

(١٨)

## كشّف حساب

ليلة راس السنة      طراير هيصة وُغنا  
باصّين لدنيا جاية      يمكن فيها الهنا  
واحنافى عزالشتا      والناس متكلفطة  
خلق وماليه الشوارع      ماشية ومتشعبطة  
دول ناسنا الطيبين      فى الشارع مبدورين  
فى البؤمصر غنوة      جوه الضلوع أنين

دى جمالها جمال وحتة

وده شايف نفسه جتة

وده ناسى غُلب ساكنه

قلق فى عيون صببية      اتأخرت شوية  
حُب وفاضحاه الملامح      بتداريه بالكوفية  
ونرجع للبيوت      ونقفُّ البيبان  
وياخذنا حُضن كنبه

راحة من بعد زحمة      وسكون بعد الجنان  
وبنلمح النتيجة      خلص كل الورق  
أيام عشناها فعلاً      ولأالعُمر اتسرق  
ونراجع فى حساباتنا      ايه جانا وياه اللى فاتنا  
أتارى العمر ضايع      حصادهم ومواجه  
احلامنا بسرعة تاهت      ما بين شارى وبيع  
نتكوم فى هدومنا      ونتغطّى بهمومنا

ونبص للسما      ونقول يا سميع يا عالم  
ضاقَت وان شالله تفرج      مش كفايانا خسيرا!  
تتعديل من زيناير

الإسكندرية ٢٠١٠/١٢/٣١